

O dira jang tshegetso ya sekgala sa mmele

Goreng re tlhoka sekgala sa mmele?

Tsela e le ngwe e e molemo go thibela go phatlhalala ga Coronavirus ke go fokotsa go amana le mongwe le mongwe. Se, ke ka lebaka la gore, bolwetse bo ka phatlhalala ka go ba gaufi le motho yo o tshwaetsegileng, kgotsa go tshwara boalogodimo, kgotsa dilo tse di dirisitsweng ke motho yo o tshwaetsegileng, o bo o tshwara sefatlhego.

Re raya goreng ga re bua ka go amana ga mmele?

Kwa tlhokomelong ya bana ya gago, go amana ka mmele go raya gore bana ba tlhoka go tshegetswa gore ba seke ba amana mme ba leke go nna metara o le mong go mongwe le mongwe. Seo, ga se reye gore bana ba tlogelwe ba sena sepe se ba ka se dirang, kgoto ganela bana go tshameka.



Bana ba tla pele

Molao o re dilo tse di molemo tse e leng kgatlhego ya ngwana go tshwanetse go ba selo sa ntlha mo go rona ka nako tsotlhe. Go thusa bana go nna metara ole mong, ga go botlhofo gonne bana, tlhago ya bona ke go tshameka le go amana. Jaanong, selo se se botlhokwa ke gore, se, se diragala ka bonolo le botsalano le ngwana. Ga go matsapa ape fa bana ba nale go lebala ka nako tse ding, re tlhoka fela go ba gopotsa ka bonolo. Go sireletsa bana go botlhokwa tota, fela tlhokomelo ya bana e seke ya ba lefelo lo lo boitshegana. Segolo bogolo bana ba tlhoka lefelo lwa tlhokomelo, lo lo sireletsegileng gape le lerato.

Go sireletsa bana go botlhokwa tota, fela tlhokomelo ya bana e seke ya ba lefelo lo lo boitshegana. Segolo bogolo bana ba tlhoka lefelo lwa tlhokomelo, lo lo sireletsegileng gape le lerato.

Go nna re sireletsegile!

Gakologelwa go dira se ka boitumelo! Mo tshimologong, thusa bana gore ba tlhologanye go fana sekgala sa mmele ka go ba kopa gore ba bule bo bedi jwa matsogo a bone go ya kwa thoko. Jaanong, ba kope go dira mosako. Ba tlhalosetse gore se ke fa tshireletsong ya bona. Mongwe le mongwe yo ba kgatlhanang le ena, yo o sa nneng le bona, ba nale tshireletso ya bona, mme ga ba a tshwanela go ya kwa tshireletsong ya yo mong.

Di kgopolo tse ding

Nna le ditlhotswana tse dinye Kgaoganga setlhophha sa bana go dira ditlhotswana gore bana ba kgone go tshameka le bangwe, fela eseng setlhophha se se golo. Leka go nna le ditlhotswana ka nako tsotlhe fa lo simolola thulaganyo.

Dira mafelo a a farologaneng a go tshameka Baakanya mafelo a go tshameka a a farologaneng, o bo o rotloetsa bana go ya go tshameka kwa ba ratang teng. Leka ka bojotlhe gore bana ba nne ka di tlhotswana.

Fokotsa go tshwara le go aroganela dilo le di tshamikisi. Lemoga gore ke tse feng tsa dilo tse di bong di tswerwe ke matsogwana a bana! leka go fokotsa se, ka go fa bana ditshamikisi tsa bona – sekao. Naya ngwana mongwe le mongwe kerayone tse pedi, go na le gore ba ba itseele mo mokoeng wa di kerayone. Fa o dikolosa bana go ya ka mafelo a go tshameka, Phepafatsa pele dilo tsotlhe sentle ka sebolaya ditwatsi